



2310 ք. Ծաղկաձոր Օրբելի Եղբ. 9 Tsakhkadzor city Orbeli Br.9  
հեռ. +374 60 703000, էլ. hwaugb tsaghkadzor.kotayq@mta.gov.am, meria@tsakhkadzor.am

06 մարտի 2024թ.

N 315

«ԲԱՐԵԼԱՎՈՒՄ» ՍՊԸ  
Էլեկտրոնային փոստ՝ [tenders-2019@mail.ru](mailto:tenders-2019@mail.ru)  
ՀՎՀՀ 02840014  
Հասցե՝ ք.Երևան, Պուշկինի 50/16

## ԾԱՆՈՒՑՈՒՄ

**Պայմանագիրը միակողմանի մասնակի լուծելու և գնումների գործընթացին մասնակցելու իրավունք չունեցող մասնակիցների ցուցակում ներառելու վերաբերյալ**

### Հարգելի մասնակից

Ծաղկաձորի համայնքապետարանի կողմից 02.11.2023թ. հայտարարված «ԾՔ-ԷԱՃԱՊՁԲ-23/15» ծածկագրով ընթացակարգի 1,2 և 5 չափաբաժինների արդյունքում Ծաղկաձորի համայնքապետարանի (այսուհետ՝ Գնորդ) և «Բարելավում» ՍՊԸ-ի (այսուհետ՝ Վաճառող) միջև 29 նոյեմբեր 2023թ. կնքվել է թիվ «ԾՔ-ԷԱՃԱՊՁԲ-23-15-1» ծածկագրով ապրանքների մատակարարման պայմանագիր (այսուհետ՝ Պայմանագիր): Պայմանագրով սահմանված ապրանքների մատակարարման վերջնաժամկետը սահմանված է եղել 2023թ. դեկտեմբերի 29-ը: Պայմանագրի 1.1 կետի համաձայն՝ «Բարելավում» ՍՊԸ-ն պարտավոր էր սահմանված ժամկետում մատակարարել 2 հատ դեղորայքի պահարան (1-ին չափաբաժին), 1 հատ բժշկական թախտ (2-րդ չափաբաժին) և 1 հատ նվագարկիչ (5-րդ չափաբաժին): Մասնակցի կողմից սահմանված ժամկետում մատակարարվել է միայն 5-րդ չափաբաժնով նախատեսված 1 հատ նվագարկիչը:

Ծաղկաձորի համայնքապետարանը բազմիցս զգուշացրել է պայմանագրով նախատեսված պարտականությունները կատարելու համար, մասնակցին, իր խնդրանքով տրամադրվել է ողջամիտ ժամկետ ապրանքները մատակարարելու համար, սակայն մինչ օրս 1-ին և 2-րդ չափաբաժիններով նախատեսված ապրանքները չեն մատակարարվել:

Պայմանագրի 2.1.7 և 2.1.7.1 կետերի համաձայն՝ Գնորդն իրավունք ունի՝

2.1.7 Միակողմանի լուծել պայմանագիրը (լրիվ կամ մասնակի), եթե Վաճառողն էականորեն խախտել է պայմանագիրը.

2.1.7.1 Վաճառողի կողմից պայմանագիրը խախտելն էական է համարվում, եթե՝

ա) մատակարարվել է անպատշաճ որակի ապրանք, որ չի կարող փոխարինվել Գնորդի համար ընդունելի ժամկետում.

բ) ապրանքի մատակարարման ժամկետները խախտվել են 2 օրից ավելի:

Քաղաքացիական օրենսգրքի 466 հոդվածի 3-րդ մասի համաձայն՝ «Պայմանագիրը լրիվ կամ մասնակի կատարելուց միակողմանի հրաժարվելու դեպքում, երբ պայմանագրից հրաժարվելը թույլատրվում է օրենքով կամ կողմերի համաձայնությամբ, պայմանագիրը համապատասխանաբար համարվում է լուծված կամ փոփոխված:»

Հաշվի առնելով այն հանգամանքը, որ Վաճառողը խախտել է Պայմանագրով սահմանված պարտավորությունները՝ Գնորդը, հիմք ընդունելով վերը նշված իրավական հիմքերը, թիվ «ԾՔ-ԷԱՃԱՊՁԲ-23/15-1» ծածկագրով պայմանագիրը համարում է միակողմանի մասնակի լուծված՝ 210000 /երկու հարյուր տասը հազար/ ՀՀ դրամ գումարի չափով:

Պատշաճ ծանուցումն ապահովելու նպատակով կկիրառվի ՀՀ Կառավարության 2017թ. մայիսի 4-ի թիվ 526-Ն որոշմամբ հաստատված «Գնումների գործընթացի կազմակերպման մասին» Կարգի 33-րդ կետի 17-րդ ենթակետով սահմանված դրույթները, համաձայն որի՝ «պայմանագիր կնքած անձի կողմից ստանձնված պարտավորությունները, համաձայն որի՝ «պայմանագիր կնքած անձի կողմից ստանձնված պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը պատվիրատուն հրապարակում է տեղեկագրում՝ նշելով հրապարակման ամսաթիվը: Պայմանագիր կնքած անձը համարվում է պայմանագիրը միակողմանի լուծելու մասին պատշաճ ծանուցված՝ ծանուցումը տեղեկագրում հրապարակվելուն հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը ուղարկվում է նաև պայմանագիր կնքած անձի էլեկտրոնային փոստին.»:

Պատվիրատուն գնման ընթացակարգը միակողմանի լուծելու մասին որոշում կներկայացնի Լիազոր մարմին՝ հիմք ընդունելով «Գնումների մասին» օրենքի 6-րդ հոդվածի պահանջները:

**ՀԱՄԱՅՆՔԻ ՂԵԿԱՎԱՐ**

**ՆԱՐԵԿ ՀԱՐՈՒԹՅՈՒՆՅԱՆ**

Կար. Իրավաբանական, քարտուղարության, անձնակազմի կառավարման բաժնի գլխավոր մասնագետ /քարտուղարության կազմակերպիչ/ Ս. Ալոյան

+37460680139

